




Aruba's festa lo bira un galeria di 12 negoshi

ORANJESTAD(AAN) -- Durante un conferencia di prensa den Chez Mathilde restaurant señor Croes a duna di conoce cu Aruba's Festa situa

den Havenstraat muy pronto lo worde expande y lo converti den un "shopping gallery".

E edificio di dos piso lo hiba e nomber Aruba's Festa's Gallerys. E parti abao lo consisti di

12 negoshi y ya a ricibi un cantidad di peticion cualnan lo worde evalua.

E construccion di e edificio ta den man di Con-Corp N.V. Segun Croes, tabata tin planea un cafe y no por exclui e posibilidad cu esaki por bin ainda.

E cafe lo haya un plein cual lo worde estableci dilanti e edificio. E plan aki tabata di Gobierno y ora a puntra si por haya e tereno, Gobierno a bay di acuerdo pero no pa construi ariba esaki.

Actualmente mester a kita

esaki pa e plan worde aproba pasobra te ainda e plein aki no por worde traspasa te ora Gobierno caba cu e caya.

Señor Croes a enfatiza cu tin mas negoshi situa den Havenstraat cu lo bay moderniza of expande.